

Sakspapir

Saksbehandlar	Arkiv	ArkivsakID
Anny Bastesen	FA - M50	17/2800

Saksnr	Utvalg	Type	Dato
136/2017	Formannskapet	PS	29.11.2017
	Kommunestyret	PS	

Renovasjonsgebyr 2018

Vedlegg:

NGIR - vedtak i representantskapsmøte

Saksopplysningar:

Bakgrunn

Styret i NGIR gjorde i møte 24.10.2017 vedtak om å rå til auke i renovasjonsgebyret for 2018 (normalabonnement). Representantskapet vedtok dei nye satsane samrøystes i møte 13.11.2017. Auken heng saman med behovet for å stabilisere situasjonen etter at RenoNorden gjekk konkurs.

Renovasjonsgebyret hadde ein mindre nedgang frå 2016 til 2017, etter siste anbodsrunde. Dersom tilbyder nr 2 hadde blitt valgt som ny renovatør, ville gebyret gått vesentleg opp frå 2016 til 2017. Innsamlingskostnadene isolert sett ville ha vore kr 815,- pr husstand i staden for RenoNorden sitt tilbud på kr 449,-.

NGIR har i tillegg rekna på skilnaden mellom tilbud nr 2 og innsamling i eigen regi, denne utgjer kr 52,- pr husstand. Etter konkursen, henter NGIR inntil vidare avfallet i eigen regi.

Styret og Representantskapet behandlar sak om eventuell vidare anbudsutsetting, men renovasjonsbudsjettet er inntil vidare sett opp i høve til kostnader med eigen drift i 2018. Gebyret skal dekke personalkostnader, behandling av avfallet utover innsamlingskostnadene, kapitalkostnader og andre faste kostnader knytt til mengden avfall frå hushaldningane, i tillegg til innsamlingskostnadene. Det medfører at renovasjonsgebyret (normalabonnement) må aukast frå 2 944,- i 2017 til 3 488,- i 2018. Auken utgjer kr 544,- (18,5 %).

Før siste anbodsrunde (dvs før RenoNorden overtok) tilsa prognosen at renovasjonsgebyret skulle vore kr 3 230,- i 2018. På grunn av utviklinga i avfallsmengden det siste året, m.a. med mindre næringsavfall og meir hushaldsavfall, må gebyret aukast noko meir for at tenesta igjen skal drivast i balanse.

Vurdering

NGIR handterer og administrerer renovasjonstenesta fullt og heilt, medrekna innkreving av gebyr. Det kjem såleis ikkje eit tillegg av kommunale administrative kostnader på dette gebyret. Tenesta blir drive etter sjølvkostprinsippet og går i balanse over tid.

Folkehelse: Ikkje relevant i denne saka

Miljø: Trygg behandling av alle typar avfall er framtidsretta og positivt for miljøet.

Økonomi: Satsane går fram av vedlegget. Meland har ingen kostnader eller arbeid med innkreving av dette gebyret.

Konklusjon

Rådmannen rår til at kommunestyret gjer vedtak om gebyrsatsar slik NGIR ber om og i tråd med Representantskapet sitt vedtak.

Framlegg til vedtak:

«Kommunestyret godkjenner renovasjonsgebyret for 2018 slik Representantskapet i NGIR har gjort vedtak om i møte 13.11.2017. Vedtaket er fatta med heimel i Lov om vern mot forurensninger og om avfall (forurensningsloven) § 34.»

Formannskapet - 136/2017**FS - behandling:****FS – samrøystes framlegg til vedtak:**

«Kommunestyret godkjenner renovasjonsgebyret for 2018 slik Representantskapet i NGIR har gjort vedtak om i møte 13.11.2017. Vedtaket er fatta med heimel i Lov om vern mot forurensninger og om avfall (forurensningsloven) § 34.»